



眞繫

ル 5
3254
10



凡 5
3254
10

滇繫書目

趙州師 範荔屏纂輯

典故第二冊

馬貴與通考

范成大桂海虞衡志

楊慎滇載記

邵遠平續宏簡錄

顧炎武肇域志

檀萃詔史補

典故目錄

典故 七之二

六月廿七日

高岱鴻猷錄

滇繫

典故繫

趙州師 範荔屏纂輯

通考

後唐同光三年既平蜀魏王繼岌奏齋書招諭南詔蠻天成元年供奉官李彥楷等雲南使回嶺州山後兩林百蠻都鬼主右武衛將軍李甲晚差大鬼主傅能阿化等來朝貢明宗引見加其官遣還二年七月遣使入蠻九月西川奏據黎州狀申雲南使趙和於大渡河南起舍一間留信物十五籠并雜詩一卷遞至闕下宋太祖鑒唐之禍基於南詔乃棄越嶲諸郡以大渡河

滇繫

七之二

典故

爲界使欲爲寇則不能爲臣則不得橫山有寨宜管以西虎頭關九十里險甚所在把握峒丁結聚道路荒僻大理益不通於中國皇祐中儂智高敗奔大理其國捕之以聞熙甯九年遣使貢方物自後不常來亦不領於鴻臚政和三年廣州觀察使黃璘奏南詔大理慕義懷來願爲臣妾欲聽其入貢詔置局於賓州六年遣進奉使李紫琮等過鼎州請詣學瞻拜宣聖像許之遂遍謁見諸生又乞觀御書閣閱讀御製舉笏叩首七年至京師貢馬及麝香等制以其王段和譽爲金紫光祿大夫檢校司空雲南節度使上柱國大理國王高宗紹興三年廣西奏大理

國欲進奉及賣馬事上曰令買馬進奉可勿許彼之進奉實利賈販但令帥臣邊將償其馬直當價則馬當繼至庶可增諸將騎兵不爲無益也六年廣西經略司奏大理人使進奉表章國信及象馬約五月至橫山詔所進方物除不受外餘驛付行在仍計價優與回賜章表等遞進降勅書回答

師範曰玉斧一揮遂以域中之地棄之域外說者謂宋之積弱已肇于此然其時北拒遼西拒夏交廣亦多煽動惟滇寂寂無聞焉以較漢唐之季鼎沸糜爛不可收拾古聖王守在四夷藝祖所見未必盡爲失策也善夫蘇穎濱之言曰蠻夷

擾邊求利其人非有大志皆可招徠愚嘗觀西南徼外諸蠻而求其所以爲變之始至于攻城郭殺人民縱橫放肆而不可救者其積之莫不有漸夫蠻夷之民膏絕而不與通今邊徼之上利其貨財而納之于市使邊民凌侮欺謾而奪其利長吏又自庇其民而莫之禁窮困無聊難以告訴故其勢必至于解仇結盟攻剽踐蹂殘之于鋒鏑之間而使其志之得伸也爲吏如此亦見其不知本矣若果通關市戢吏民待之如中國之人尙誰所激怒而爲此哉跋通典旣竟並錄此論守邊者其鑑之

桂海虞衡志

大理南詔國也本唐小夷蒙舍詔在諸部最强故號南詔自皮邏閣併五詔爲一受冊封雲南王至異牟尋封南詔王至酋龍而稱驃信改元自稱大禮國今其與中國接乃稱大理國與唐史禮理字異未詳所始大理地廣人庶器械精良前志載之詳矣邕州右江水與大理大槃水通大槃在大理之威楚府而特磨道又與其善闡府者相接自邕州道諸蠻獠至大理不過三四千里產良馬可與橫山通北梗自杞南梗特磨久不得至乾道癸巳冬忽有大理人李觀音得董六斤黑張般若師等率以

三字爲名凡二十三人至橫山議市馬出一文書字畫畧有法
大畧所須文選五臣註五經廣註春秋後語三史加註都大本
草廣註五藏論大般若十六會序及初學記張孟押韻切韻玉
篇集聖歷百家書之類及須浮量銅器弁梳疑卽饒州浮梁
磁器書梁作量琉璃
碗壺及紫檀沉香甘草石決明井泉石蜜陀僧香蛤海蛤
等藥稱利正二年十二月其後云古人有云察實者不留聲觀
行者不識詞知己之人幸逢相謁言音未同情慮相契吾聞夫
子云君子和而不同小人同而不和今兩國之人不期而會者
豈不習夫子之言哉續繼短章伏乞斧伐短章有言音未會意

相和遠隔江山萬里多之語其人皆有禮儀擊誦佛書碧紙金
銀字相間邕人得其大悲經稱爲坦綽趙般若宗祈禳目疾而
書坦綽酋望清平官皆其官名也邕守犒來者厚以遣歸然南
詔地極西南當爲西戎尤邇蜀都非桂帥所當鎮撫

師範曰李觀音得特大理細民挈貨行賈殊非奉使乃于橫
山之書兩引夫子六經語孟已家絃戶誦矣利正段智興僞
號先是段正純國相高泰運朝宋求經籍得六十九家正嚴
遣李紫琮李伯祥貢馬並五花纓弄其臣自高氏外無從考
錄而高蓬楊淵海俱執節于段功忠烈咸有可嘉者蒙氏于

唐高宗時細奴羅兩遣子羅晟入朝羅晟嗣位朝武后皮羅閣朝元宗其孫鳳伽異以入朝授鴻臚卿湊羅棟以獻捷封高溪郡王尹求寬左散騎常侍其他使之宴勞封拜備載唐書清平官有張建成張羅定等中州人物蔑以加焉雖王嗟巔杜元忠各擁其主覆粵殘蜀較高侯之勸段聰養民觀變迥然不類而元忠于世隆破烏蒙納四女諫曰敗亡餘孽怨氣必多妖美為厲終胎禍本晉之驪楚之夏吳之施苻秦侯景之清河溧陽兩公主皆戎勝納女旋致危亡後果如其言蓋亦老成先見云

滇載記

滇域未通中國之先有低牟苴者居永昌哀牢之山麓今金齒地有婦曰沙壹浣絮水中觸沈木若有感是生九男曰九隆族種類滋長支裔蔓衍竊據土地散居谿谷分爲九十九部其渠酋有六各號爲詔夷語謂詔爲王其一曰蒙舍詔今蒙化府其二曰浪穹今浪穹縣其三曰鄧賧詔今鄧州其四曰施浪詔今浪穹縣其五曰摩些詔今麗江府其六曰蒙蒿詔今建昌兵埒不能相君長至漢有仁果時九隆八族之四世孫也强大居昆彌川今白崖定西嶺傳十七世至龍祐那當蜀漢建興三年諸葛武侯南征雍闓師次白崖

川獲闖斬之封龍祐那為酋長賜姓張氏割永昌益州地置雲南郡於白崖諸夷慕武侯之德漸去山林徙居平地建城邑務農桑諸部於是始有姓氏龍祐那之十六世孫曰張樂進求遜位于蒙氏考其時蓋唐世也張氏或稱昆彌國或稱白國或稱建甯國其年系莫可推詳 蒙氏始興曰細奴羅九隆五族牟苴篤之三十六世孫也耕于巍山之麓數有神異孳牧繁息部眾日盛代張氏立國號曰封民蒙氏偽稱南詔實唐貞觀三年也遷居瓏玕圖山今蒙化及高宗時遣子入侍朝命授細奴羅以巍州刺史死偽諡高祖又稱奇王子羅晟嗣 羅晟僭立當高

宗上元元年至睿宗景雲中姚州蠻先附吐蕃御史李知古請兵擊降之築城置州縣重稅賦因誅其豪雋掠其子女為奴婢羣蠻怨怒引吐蕃攻知古殺之於是姚雋路絕晟猶奉唐正朔死偽諡世宗子晟羅皮嗣 晟羅皮之立當玄宗先天元年立孔子廟於國中死諡威成王子皮羅閣嗣 皮羅閣之立當玄宗開元十六年受唐冊封為雲南王賜名歸義於是南詔浸强大而五詔微弱皮羅閣因仲夏二十五日祭先之期建松明為樓以會五詔宴醉後羅閣佯下樓擊鼓舉火焚樓五詔遂滅閣賂劍南節度使求合五詔為一朝廷許之於是盡有雲南之地

因破吐蕃卒為邊患不可復制既併五詔乃卜太和形勝左洱水右蒼山山海之交結於子午遂築太和城自蒙舍徙居之立上下二關曰龍首曰龍尾連陷遠川永昌石鼓沙追賧龍佉賧後遣其孫鳳伽異入朝唐授鴻臚少卿妻以宗女賜樂一部南詔於是始有中國之樂死子閣羅鳳嗣 閣羅鳳之立以天寶八年故事酋長謁都督偕妻子行鳳挈家至雲南太守張乾陀皆私之復多徵求鳳怒反攻雲南殺乾陀取夷州三十二陷嶺州獲唐西瀘令鄭回拜清平官即其國丞相也天寶十年夏四月庚寅劍南節度使鮮于仲通將命致討鳳伽異及段儉魏逆戰于西

洱河唐兵死者六萬人仲通僅以身免封儉魏為清平賜名段忠國以旌之遂臣于吐蕃吐蕃封之為東帝刻碑國門之外明叛唐非得已也僭國號曰大蒙始建年號曰贊普鐘十三年劍南留後李宓將兵擊之為蒙氏所誘全軍沒焉唐益發兵竟不能克前後死者二十萬人南詔自是始與中國隔絕矣代宗大曆十四年死偽諡神武子鳳伽異未嗣而死孫異牟尋立僭改元贊普鐘七長壽十一異牟尋以唐代宗大曆十四年嗣立有智數善撫眾居史城史城今喜州也連兵吐蕃入寇唐神策都將李晟擊破之異牟尋懼改城牟賧苴咩今大理改國號曰大理自稱曰日東王僭

封五嶽四瀆并立祠三皇廟春秋致祭以國界內點蒼山為中

嶽東川界江雲露松外龍山為東嶽在今祿勸州一名絳雲露

皆峭拔其山銀生部日界蒙樂山為南嶽在今者樂甸又名無

有共命鳥穴殿搖柱自空中來永昌騰越界高黎共山為西嶽在今騰衝一

天帝娶天女處臨路江西臨龍川左右有平川名為灣甸草卉貫四敘不凋瘴

氣最惡冬雪至春方融夏秋灣甸炎熾商賈愁怨為之謠曰冬

時欲歸來高黎共上雪夏秋欲歸來無麗江界玉龍山為北嶽

奈灣甸熱春時欲歸來囊中資糧絕在今麗江一名聳雪山其山九峯雪貫四時玉立

萬仞千里望之若在咫尺與蜀松州諸山相接也以黑惠江瀾

爽三托其地東至於銅柱鐵橋蟠桃玉榆東南至於交趾南至

於驃國木落山西至於太石西北至於吐蕃北至於神州東北

至於黔巫八方之地屬以八演從中國教令都曰苴咩別都曰

善闡皆中國降人為之經畫也德宗貞元三年鄭回說以大義

令復歸唐異牟尋然之會西川節度使韋皋招撫羣蠻尋因求

內附而猶結好吐蕃皋乃為書遺尋敘其歸化之誠轉至吐蕃

吐蕃疑之異牟尋歸附之志益堅九年上表請絕吐蕃復臣於

唐十年自將數萬人襲吐蕃大破之遣其弟獻圖納貢及吐蕃

所頒金印請復號南詔唐以其功遣使冊之賜銀窠黃金印王

北面跪受之宴使者出玄宗所賜器物指老笛工歌女曰皇帝

所賜龜茲惟二人在耳使者曰南詔當深思祖考子孫勿替盡忠皇唐對曰敢不敬使者之命死偽諡孝恒改元二見龍子尋

閣勸嗣 尋閣勸以唐德宗貞元十五年立死子勸龍晟立偽諡

孝文改元應道 勸龍晟以唐永貞元年立湣虐不道其臣差顛殺之

而立其弟勸利晟諡曰幽改元龍興 勸利晟以唐憲宗元和

元年立死偽諡靖王子晟豐祐立改元全義 晟豐祐以穆宗

長慶四年立趨敢善用其下文宗太和三年西川節度使杜元

穎不恤士卒有流入蠻境者蠻衣食之由是盡得蜀之虛實與

其臣差顛遂謀入寇以蜀卒為鄉道襲陷邛戎嶺三州引兵徑

入成都取諸經籍大掠子女工技數萬人及珍貨而還南詔工

技文織自是與中國埒矣豐祐乃遣使上表請罪元穎朝廷以

李德裕代之德裕保障有方索南詔所掠百姓得四千人豐祐

死偽諡昭成子世隆立改元二保和天啟 世隆之立以唐武

宗會昌十三年初韋皋開蜀清溪道以通羣蠻入貢又選子弟

聚之成都教之書數以羈縻之而軍府不時給其餼須南詔因

是不肯入貢及世隆立朝廷以其名同玄宗諱不行冊禮諭令

更名謝恩然後遣使會世隆寇雋州事遂寢世隆乃僭稱皇帝

懿宗咸通三年西寇安南四年寇交趾殺虜幾十五萬人留兵

二萬使其將楊思縉據之谿洞夷獠皆降五年寇邕州敗還七年節度使高駢大破之復定交趾十年世隆傾國入寇陷犍爲及黎雅嘉三州十一年進攻成都不可引還僖宗乾符元年復寇西川陷黎州入寇邛崃關勝負不常二年攻雅州聞高駢改西川遣使請和駢發兵追至大渡河殺獲甚衆擒其酋長數十人四年復寇越雋死於景淨寺自世隆嗣立以來爲邊患殆二十年中國爲之虛耗而其國亦弊僞謚景莊皇帝子隆舜嗣改元建極 隆舜 通鑑作法誤也南詔名皆父子相承世隆之子曰隆舜近是 之立以僖宗乾符四年性好畋獵酣宴委國事於其臣是歲請和許之又迭請

和親廣明元年遣宗正少卿李龜年充使中和元年上表款附三年以宗室女妻之後內嬖失道爲豎臣楊登所弑僞謚宣武子舜化真嗣改元二貞明堯耶 舜化真之立以唐昭宗乾甯四年改元中興上書於唐唐欲報以詔王建言小夷不足辱詔書臣在西南彼何敢犯塞從之立四年其臣鄭買嗣奪之而滅其國追謚孝哀蒙氏自細奴羅至舜化真十有三世立三百十年而爲鄭氏 鄭買嗣本唐鄭回之後世爲蒙氏清平唐昭宗光化五年旣滅蒙氏而自立改國號曰大長和改元曰安國死僞謚德桓子旻嗣立攻蜀黎州王建發兵大破之俘斬數萬級

溺死數萬人求婚於南漢漢主以增城公主妻之改元五曰始
元曰天瑞景星曰安和曰貞祐曰初歷死偽謚肅文子隆亶嗣
立改元天應未幾爲東川節度使楊干真所殺鄭氏三傳歷年
二十有六而爲趙氏 趙氏名善政爲蒙氏清平楊干真既殺
滅鄭氏遂接善政而立之後唐明宗之天成三年也改國號曰
大天興立僅十月干真又奪之而爲楊氏 楊氏名干真既奪
趙氏而有蒙國改國號曰大義寧改元曰尊聖貪虐無道中外
咸怨通海節度使段思平與師問罪干真不能禦走死楊氏立
僅二年而段氏興焉 段氏之先武威郡人有名儉魏者佐蒙

氏有功賜名忠國擢清平官六傳而生思平思平生有異兆楊
干真忌之使人索捕思平逃匿得奇戟于品甸波犬村又得神

驥於葉鏡湖

在雲南縣正南
大波舖是也

饑摘野桃剖之核膚有文曰青昔

思平折之曰青乃十二月昔乃二十一日今楊氏政亂吾當以
是日舉義乎遂借兵東方黑蠻松蠻三十七部皆助之衆至河
尾是夕思平夢人斬其首又夢玉瓶耳缺又夢鏡破懼不敢進
兵其軍師董迦羅曰三夢皆吉兆也公爲大夫夫去首爲天天
子兆也玉瓶去耳爲王王者兆也鏡中有影如人有敵鏡破則
無影無影則無敵矣三夢皆吉兆也思平乃決明旦引兵欲渡

莫知所從見江尾一婦被璽而浣者指曰人從我江尾馬從三沙矣爾國名大理從之得濟既逐楊氏而有蒙國遂改國號曰大理改元曰文德時後晉天福二年也死偽謚太祖傳子思英立未幾死偽謚文經武緯皇帝國人立其叔思良思良以後晉開運三年改元至治死偽謚慈聖傳子思聰 思聰以後周廣順三年立改元三曰明德廣德聖德死偽謚廣慈傳于素順素順於思聰未知何屬也素順以宋太祖建隆四年立時王全斌既平蜀欲因兵威取滇以圖進於上太祖鑒唐之禍基於南詔以玉斧書大渡河曰此外非吾有也由是雲南三百年不通中國段氏得

以睨臨焚鼎以長世焉素順十七年改元明正死偽謚應道皇帝傳子素英 素英以宋太宗雍熙二年立改元五曰廣明明應明聖明德明治死偽謚昭明傳于素廉 素廉以宋真宗祥符二年立改元二曰明啟乾興死偽謚敬明傳于素隆 素隆以宋天禧二年立改元曰明通天聖避位為僧死偽謚秉義傳于素貞 素貞以宋仁宗天聖四年立改元正治死偽謚聖德傳于素興 素興以宋慶歷元年立改元二聖明天明以無道國人廢之而立思廉 思廉以宋慶歷四年立皇祐中廣西儂智高掠廣州敗走大理狄青募死士使大理求之會智高已死

於大理函其首至京師段氏至是始聞名於中國思廉立三十一年改元四曰保安政安政德至德死偽諡世宗傳子連義連義以宋熙寧八年立改元二曰上德廣安為其臣楊義貞所弑楊義貞篡立自號廣安皇帝凡四年段氏臣岳侯高智昇遣子昇太起東方兵討滅之而立段壽輝壽輝連義之從子壽輝立二年改元曰上明傳於正明 正明以宋元豐五年立改元三曰保立建安天祐避位為僧時國人皆歸心高氏遂奉高昇太為主而段氏中絕 高昇太有功段氏為國人所立以宋哲宗之元符二年立國改國號曰大中國改元上治臨終屬其子太明日

段氏不振國人推我我不得已從之今其子已長可還其故物爾後人勿效尤也太明遵其遺言求段氏餘子正純立之而段氏復興號曰後理國高氏世相之賞罰政令皆由之國人稱為高國主波斯崑崙諸國來貢大理者皆先謁相國焉 正純復國改元天授以高太明為相高太連為柵主遣太連朝宋求經籍得六十九家立十三年再改元曰開明文安避位為僧傳子正嚴死偽諡中宗 正嚴以宋徽宗大觀二年立四十年改元四曰日新永嘉保天廣運避位為僧傳子正興死偽諡憲宗 正興以宋高宗紹興十七年立改元四永貞太寶龍興盛明避

位爲僧傳子智興死僞諡景宗 智興以宋孝宗乾道八年立
改元五曰利貞盛德嘉會元亨安定死僞諡宣宗傳子智連
智連以宋甯宗慶元六年立改元鳳歷死僞諡享天傳弟智祥
智祥以宋甯宗開禧元年立改元天開仁壽死僞諡神宗傳
子祥興 祥興以宋理宗嘉熙三年立改元道隆甲辰元兵攻
之高禾逆戰敗死宋遣使祭之祥興死僞諡孝義傳子興智
興智以元憲宗元年立改元天定壬子歲元忽必烈將兵擊之
分三道進自臨洮經行山谷二千餘里浮金沙江以革囊濟進
薄大理興智及高太祥拒戰大敗興智奔善闡太祥就擒不屈

斬于五華樓下時白日當午忽雲起雷震世祖異之曰忠臣也
遂虜興智滅其國段氏自思平至興智二十二主歷三百十五
年 元旣滅段氏而有其地得五城八府蠻郡三十有七設大
理都元帥府仍錄段氏子姓世守其土赦興智封爲摩訶羅差
管領八方興智死元季亂中原多故段氏復據之於是有十一
總管出焉 一代總管曰信苴段實元中統二年入覲世祖嘉
之賜璽書令總管大理善闡會川建昌永昌騰越諸郡以功累
授行省參政以攻石城今曲靖及仁德府今尋甸功錫虎符爲總管
二代總管信苴段忠至元中隨元帥伐西林破會川通善闡

平休林武定緬甸之役皆有功授金齒宣慰兼掌軍民萬戶府

三代總管信苴段慶元封爲宣武將軍妻以公主入朝歸授

雲南省參政 四代總管信苴段正 五代總管信苴段隆

六代總管信苴段俊 七代總管信苴段義 八代總管信苴

段光時元大德中中原板蕩梁王以元宗室鎮善闡與段氏分

域構隙至大二年梁王大破光兵光將高蓬守羅那關梁王密

招之不從乃賂蓬庖人刺蓬以其首獻梁王王并庖人戮之至

治元年玉案山產小赤犬羣吠遍野占云天狗墜地爲赤犬其

下有犬軍覆境又時雨鐵民舍山石皆穿人物值之多斃謠俗

號曰鐵雨 九代總管段功初襲爵爲蒙化知府至正十二年

繼立爲總管癸卯明玉珍自楚入蜀據之分兵四掠號曰紅巾

明玉珍自將紅巾三萬攻雲南梁王及憲司官皆奔威楚諸部

悉亂功謀于貞外楊淵海淵海卦之吉乃進兵至呂閣敗紅巾

于關灘江殺獲千計紅巾收合餘眾再戰復勝殺段氏驍酋鐵

萬戶紅巾屯古田寺段氏夕潛火其寺紅巾軍亂死者什七八

又追至圓磴關大敗之紅巾大呼之曰待明年來復仇時功在

戰間得玉珍母寄其子書云爾征南務得之不得輕還軍少糧

乏我當添補楊淵海效其書跡易之曰中國兵來急爾宜早歸

滇事
遂募能入紅軍營者有小卒陳惠願行玉珍得書恐國中有變
又新失利遂急收軍功追之至七星關又勝之而還紅巾既退
梁王深德段功以女阿蓋妻之爲之奏授雲南平章功自是威
望大著于西南梁王曲意奉之功戀戀不肯歸國其大理夫人
高氏寄樂府促之歸其詞曰風捲殘雲九霄冉冉逐龍池無偶
水雲一片綠寂寞倚屏幃春雨紛紛促蜀錦半牀閒鴛鴦獨自
宿好語我將軍只恐樂極生悲冤鬼哭功得書乃歸旣而復往
其臣楊智張希喬留之不聽旣至善闡梁人私語梁王曰段平
章復來有吞金馬嘔碧雞之心矣盍早圖之梁王始啟疑於平

章密召阿蓋主命之曰親莫若父母寶莫若社稷功今志不滅
我不已脫無彼猶有他平章不失富貴也今付汝以孔雀膽一
具乘便可毒殪之主潛然不敢受命夜寂人定私語平章曰我
父忌阿奴願與阿奴西歸因出毒具示之平章曰我有功爾家
我耻自蹶傷爾父尚嘗爲我裹之爾何造言至此三諫之終不
聽明日邀功東寺演梵至通濟橋馬逸因令番將格殺之阿蓋
主聞變失聲哭曰昨暝燭下纔講與阿奴雲南施宗施秀煙花
殞身今日果然阿奴雖死奴不負信黃泉也欲自盡梁王防衛
者乃萬方主愁憤作詩曰吾家住在鴈門深一片閒雲到滇海

心懸明月照青天青天不語今三載欲隨明月到蒼山悞我一

生踏裏彩錦被名也吐嚙吐嚙段阿奴吐嚙可惜也施宗施秀同奴反不

也好雲片波潏不見人押不蘆花顏色改押不蘆乃北方起死回生草名肉屏獨

坐細思量肉屏駱駝背也西山鐵立霜瀟灑鐵立松林也平章從官負外楊

淵海亦題詩粉壁飲藥而卒詩曰半紙功名百戰身不堪今日

總紅塵死生自古皆由命禍福于今豈怨人蝴蝶夢殘滇海月

杜鵑啼破點蒼春哀憐永訣雲南土絮酒休教灑淚頻梁王哀

淵海之才纔意欲為己用見詩痛悼之乃厚恤之令隨平章樁

歸葬大理 十代總管信苴段寶功之子洪武元年嗣職梁王

遣矢刺平章七攻大理不克乃講和奏陞寶為雲南左丞未幾

明玉珍復侵善闡梁王遣叔鐵木的罕借兵大理時寶已長答

書云殺虎子而還喂其虎母分狙栗而自詐其狙公假途滅虢

獻璧吞虞金印玉書乃為釣魚之香餌繡閨淑女自設掩雉之

網羅况平章既亡弟兄罄絕今止遺一嫠一奴奴再贅華黎氏

嫠又可配阿禡妃如此事諾我必借大兵如其不可待金馬山

換作點蒼山昆明池改作西洱河時來矣書後附以詩云烽火

狼煙信不符驪山舉戲是支吾平章枉喪紅羅帳員外虛題粉

壁圖鳳別岐山祥兆隱麟遊郊藪瑞光無自從界限鴻溝後成

海擊
敗興衰不屬吾梁王見之恨寶入骨平章女僧奴志恆不忘復
仇將適建昌阿黎氏出手刺繡文旗以與寶曰我自束髮聞母
稱父冤恨非男子不能報此旗所以識也今歸夫家收合東兵
飛檄西洱汝急應兵會善闡又作詩二章曰珊瑚勾我出香閨
滿目潸然淚濕衣冰鑑銀臺前長大金枝玉葉下芳菲烏飛兔
走頻來往桂馥梅馨不暫移惆悵同胞未忍別應知含恨點蒼
低何彼穠穠花自紅歸車獨別洱江東鴻臺燕苑難經目風刺
霜刀易塞胸雲舊山高連水遠月新春疊與秋重淚珠恰似通
宵雨千里關河幾處逢後寶聞明高皇帝開基金陵遣其叔段

真自會川入京奉表歸款而朝廷亦以書報之

見御製文集

時有妖

巫女歌曰莫道君爲山海主山海笑諧諧園中花謝千萬朵別
有明主來寶數日疾卒子明嗣 十一代總管信苴段明洪武
十四年授以宣慰壬戌春正月天兵破善闡梁王自鳩黨屬悉
俘明遣都使張元亨馳書潁川侯傅友德西平侯沐英麾下曰
大理乃唐交綏之外國善闡實宋斧畫之餘邦難列營屯徒勞
兵甲請依唐宋故事寬我蒙段奉正朔佩華篆比年一小貢三
年一大貢友德怒拷辱其使明再上書曰漢武習戰僅置益州
元祖親征祇緣善闡乞冀班師友德答明書曰我國大明龍飛

淮甸混一區宇陋漢唐之小智卑宋元之淺圖天兵所至神龍
助陣天地應符汝段氏接武蒙氏運已絕於元世寬命延息以
至于今我師已殲梁王報汝世仇不降何待三月傅沐二將分
兵宵緣點蒼顛繞出下關之背先樹旗幟遲明段兵驚潰大軍
策馬亂流而濟明遂就擒并其二子仁義至金陵太祖聖諭
曰爾父寶曾有降表朕不忍廢賜長子名歸仁授武昌衛鎮撫
次子名歸義授鴈門衛鎮撫大理悉定是夏六月元普顏篤復
叛據佛光寨在鄧州東北先不華叛據鄧州甲子正月十七日潁川
侯傅友德復自七星關回軍大理平鄧川破佛光寨因定賦法

築城隍設衛堡立學校比於中州列郡焉 逸史氏曰史稱西
南夷靡莫之屬以什數滇最大元封中以兵臨滇王舉國降然
尚未有稱也及張氏受姓後世迭君長者蒙氏鄭氏趙氏楊氏
段氏高氏凡七姓惟蒙段最久故著稱焉夷裔盜名號互起滅
若蜂蟻然不足錄也然至與中夏交綏抗陵疲我齊民世主甘
心焉以無用戕有用是可慨已漢司馬氏傳西南夷誠有意哉
余嬰罪投裔求蒙段之故於圖經而不得也問其籍於舊家有
白古通立峰年運志其書用爨文義兼衆教稍爲刪正令其可
讀其可載者蓋盡此矣滇爨於三代爲荒服漢僅剽分其方雖

元以兵力勝之而不能守也于今列菁落而郡縣之馴鱗介而衣裳之華風沃澤同域共貫昭代恢宇前是孰並傳稱神農地過日月之表幾近是哉夫分隔之亂昔如彼大一統之治今若此干羽不警百五十年探言其故則金匱秘文縉紳罕睹况荒微乎余慕宋司馬氏作通鑑采獲小說若河洛行年紀廣陵妖亂志者百二十家法孔子著春秋取羣書於百二十國也因是有感遂纂蒙段事以為滇載記其諸君子祖春秋而述二司馬氏者亦將有取於斯焉

棄取愜心二千年往事已撮其要

續宏簡錄

大理古昆彌國本苗蠻雜居當禹貢梁州南境殷為鬼方周為百濮武王陣于牧野帥師來會戰國時楚頃襄王使莊躋將兵定滇池欲歸報會秦擊楚巴黔中郡道塞不通因以其眾王滇

按滇池地方三百里周廣五百餘里合盤龍江黃龍溪諸水滙為池中產衣鉢蓮花盤千葉葢下流金沙江源廣未狹似倒流然故曰滇池一名昆明池漢武謀伐滇于長安西南穿池象昆明以習水戰

元鼎六年西南彝始通遣使至滇滇王問使曰漢與我孰大天子惡其不遜因冊天竺白飯王後名仁果者為滇王開郡號益州領縣二十四曰滇池雙柏同勞同瀨連然俞元牧靡穀昌秦

臧邪龍味昆澤葉榆律高不韋雲南嵩唐弄棟比蘇賁古母綴

勝休建伶來唯躋世乃絕一統志云白飯王本天竺阿育王後

俗奉佛教不茹葷口食白飯後即以

白為氏一云阿育王第三子驪苴低子曰蒙伽獨分土永昌之

墟其妻摩梨羌名沙壹者世居哀牢山下蒙伽獨嘗為漁死池

中不獲尸沙壹往哭之見一木浮觸而來時浣絮其上感而孕

產十子他日浣池邊見浮木化為龍作人語曰為我生子今安

在眾子驚走小者不能走背龍坐龍舐其背而沈焉蠻語謂背

為九謂坐為隆因名九隆其十子一名眉附羅二牟苴兼三牟

苴諾四牟苴酬五牟苴篤六牟苴託七牟苴林八牟苴頌九牟

苴閃十卽九隆長而黠智眾推為長時哀牢山有波息者生十

女九隆兄弟娶之厥後種類蔓延分為九十九部其渠長有六

蠻語謂王曰詔因號六詔蒙舍詔蒙嵩詔越析詔浪穹詔鄧暕

詔施浪

詔是也

仁果傳十五代孫龍佑那值蜀漢諸葛丞相征雍閬次

白匡川以佑那為侯仍其號曰大白子國賜姓張氏於是漸去

山林徙平地建城邑宮室諸部始知有姓氏隋高祖總百揆時

益州總管梁濟建議取滇疏曰遠撫長駕王者令圖易俗移風

有國恆典漢世牂牁之地近代以來分置興古雲南建甯朱提

四郡戶口殷眾金寶富饒二河有駿馬明珠益甯出鹽井犀角

晉太始七年以益州曠遠分置甯州偽梁南甯州刺史徐文盛

被湘東王徵赴荊州屬東夏尚阻未遑遠畧土民爨瓚遂竊據

一方國家遙授刺史其子震相承至今而震臣禮多虧貢賦不

入每年奉獻不過十數馬其處去益路止一千朱提北境即與

戎州接界聞彼人苦其苛政思被皇風關土服遠今正其時幸

因平蜀士衆不煩重興師旅自盧戎已來並置總管州鎮計彼
熟蠻租調足供軍給城防一以肅蠻方一以裨軍國有都督杜
神敬昔曾使彼具所諳練今并送往高祖以天下初定恐動搖
邊陲不許唐太宗貞觀二十二年西洱河歸附因冊建甯白國
長張樂進求爲首領大將軍亦龍佑那十七代孫也自念傳國
久遠遜於細農邏而去細農邏者哀牢人貞觀間隨其父龍伽
獨避難白崖耕藝寶山之麓有神異孽牧蕃息鄯衆日盛張樂
進求既妻以女復讓以位細農邏指山石祝曰如我當爲詔劍
入此石祝已拔劍砍石入三寸形如鋸遂自立稱奇王居蒙舍

城是爲蒙氏鼻祖以蒙舍在五詔之南又稱南詔其城有九一
在河尾里一在關邑里一在太和村一在北國一在磻溪里一
在塔樹一在摩用以史城半苴咩城足之爲九皆備吐番而設
武后垂拱四年蠻郎將王善寶昆州刺史爨乾福又請置州蜀
州刺史張柬之表其弊曰哀牢舊國絕域荒外山高水深自生
人以來不與中國交通前漢唐蒙開夜郎穹筰而哀牢不附至
光武季年始置永昌郡統理之其國西通大秦南通交阯珍奇
異寶進貢歲時不闕劉備據有巴蜀常以兵甲不充及諸葛渡
瀘收其金銀鹽布以益軍儲使張伯岐選其勁卒勇兵以增武

備故蜀志稱亮南征而國用富饒甲兵充足由此言之前代
 置郡其利頗深今金銀鹽布之稅不供奇珍之貢不入戈戟之
 用不實於戎行寶貨之資不輸於大國而空竭府庫驅率平人
 受役蠻彝肝膽塗地臣竊為國家惜之先天元年其孫晟羅皮
 立孔子廟於國中元宗開元十六年始冊晟羅皮子皮羅閣為
 雲南王賜名歸義於是南詔寢大按漢武元狩元年彩雲見南
 中命王然于柏始昌呂越人
 至滇指身毒國跡之見彩雲見于白崖因于大理立雲南縣後
 以縣西南山麓間有石如鏡光可鑑面改名鏡縣張樂進求時
 龍興和山忽五色雲起輪囷終日不散二十六年賂節度使王
 昱求合六詔為一陰以仲夏二十五日星回節于松明樓宴五

詔積薪其下焚之五詔頓滅乃徙居太和城以會川為會同府

置十賧賧與賧同蠻語謂州也遷張王李趙楊周高段何蘇龔尹十二姓

居之天寶八年子閣羅鳳初立故事蠻長謁都督偕妻子行時

張虔陀為刺史鳳擊家上謁虔陀私之鳳怒攻殺虔陀陷舊州

北結吐蕃僭稱大蒙國節度使鮮于仲通劍南留後李宓先後

致討唐兵死者二十萬人及子鳳伽異嗣仍請內附授陽瓜州

刺史代宗大歷十四年子異牟尋立自稱日東王改國號大理

德宗貞元四年復內附昭宗天復初清平官鄭買嗣滅蒙氏改

號大長和國分地為四以段興為建昌長後唐天成三年東川

滇繫
節度使楊干貞滅鄭氏立侍中趙善政號大天興國尋廢善政自立號大義甯國石晉天福二年有白人段思平者逐楊氏而有其國仍號大理宋太祖平蜀王全斌欲乘勝取滇太祖以玉斧指地輿中大渡河畫之曰此外非我有也雲南遂為段氏所據神宗元豐三年其臣楊義貞篡位高智昇討之已而子高昇泰自立僭號大中及臨歿命子泰明復求段氏立之乃奉其後正純為主號後理國其地東達粵西逼緬城南接交趾北隣蜀西北通吐番幅幘數千里土地饒美傳其主曰祥興當宋理宗嘉熙二年蒙古起朔方欲圖宋謀先取蜀時余玠以重兵守重

慶不敢窺乃出靈關由吐番進兵攻大理大理方與宋結好遣將高禾逆戰敗死滇大震動會蒙古主窩闊台卒斃罷兵及憲

宗立議討烏白蠻鬼蠻諸國烏蠻在滇東白蠻在滇西鬼蠻即鬼方今貴州在滇東北命太

弟忽必烈專征大將兀良合台副之歲癸丑宋理宗寶祐元年即元憲宗二年也

秋七月禡牙西行八月出臨洮由六盤踰吐番經行劍外二千

餘里所謂梁州外境也既次忒刺先遣王律木等齎諭前往道

阻而還乃分兵三道兀良合台西道由晏當路與諸王抄合從

慈嶺入今麗江府野只烈率東道兵由白蠻棧道經四川入曲靖太

弟督勁騎由中道入越巂今北勝州九月至滿陀城留輜重冬十月

過大渡河乘革囊及棧以濟所過望風款附分兵入麼些二部
渠長唆火脫因增裏馬迎降復遣王律木王侯王鑑使大理十
一月師至白蠻打郭寨其首領出降進次三甸白蠻送款時大
理主段興智聚兵守金沙江蒙古兵相持不能進太弟令衆出
不意仍以革囊潛渡遂下趙州薄其都城興智方年少國事一
決於高泰祥殺蒙古所遣三使太弟下令攻城東道兵亦至泰
祥背城一戰大敗走太弟以久旱水遠軍渴甚乃仰天默禱以
劍掃地清泉涌出名曰玉泉井令侍臣楊庭撰碑記之乃立礮
攻城泰祥遣人來拒兀良合台遣子阿木迎擊之段兵敗退蒙

古兵皆登點蒼山臨視城中城中大危懼各部援兵皆爲蒙古
阻截不得達遂棄城宵遁興智奔善闡泰祥奔統矢太弟整衆
入城令詞臣姚樞等按訪圖籍得三使者尸瘞之樞爲文以祭
太弟南出龍尾城次趙賧追興智不及獲泰祥于姚州黑初山
欲官之不屈斬于五華樓下時白日當午忽雲起雷震太弟異
之曰忠臣也以禮葬之甲寅春太弟忽必烈班師時大理地皆
下惟善闡未附乃留兀良合台經略餘地攻烏蠻水城屠之前
次羅部府破蠻兵于洩可浪山下至烏蠻所都押赤城卽善闡
也城際滇池三面皆水興智率衆固守卒難拔阿木伺其怠夜

五鼓潛師躍入城舉及奮斫衆驚潰擒興智于昆澤獻諸朝餘
蠻依阻山谷者分命裨將左右合圍攻拔纖寨至乾德哥城阿
木以草填塹率所部搏戰城上城遂破乙卯春兀良合台進兵
平烏蠻諸部攻不花合因阿合阿因等城阿木先登取其三城
轉攻赤禿哥山寨緣嶺而戰拔之乘勝擊破魯廝國增渾城又
取忽蘭城魯廝國大懼請降阿伯國有兵四萬恃險不服阿木
攻之入其城始請納款復攻阿魯隘口進克阿魯城遇赤禿哥
軍于合打台山追赴臨崖盡殪之自出師至此凡三年平大理
五城八府四郡烏白等蠻二十七部段氏自思平立國至興智

爲蒙古所滅共二十三主據滇三百一十八年云二先是蒙
古兵出靈關羅施鬼國卽遣報思播言蒙古有事大理實欲取
道西南大入中國當豫爲之備思播守者聞諸朝宋廷臣皆言
蒙古生長朔方恃馬騎爲用隆冬草枯盛夏虫出便當反北若
踰番詔必須多歷時月滇黔之間崗嶺欹折策馬奔馳料不得
逞縱使安據南詔方行東向須得交廣以窺吳楚是謂仰攻地
利不便爲此慮者非迂則誣及大理已入蒙古假道幹腹遂其
始謀乃出烏蒙趨瀘江過馬湖通道嘉定重慶直抵合州濟蜀
江然後順流東下一軍歷邕桂至潭州一軍由廣南至衡州太

弟忽必烈自北發師由汝南入大勝關渡江圍鄂州與羅鬼先見之言符合而宋室遂不可支馴至亡滅斯時方下詔責已勉諸道進兵亦何益哉兀良合台既拔善闡獲興智承詔赦之且請依漢故事分西南彝爲郡縣設長官總把參用土人詔立大理金齒都元帥府加兀良合台大元帥還鎮大理以劉時中爲宣撫使與段氏同安輯其民當是時宋祚未改故各郡止立萬戶府州縣止立千戶所以兵衛守之興智入覲獻雲南輿圖并條治民立賦法憲宗嘉其誠命世爲總管守大理傳云賜名世摩訶羅祖中統元年興智入朝在道卒以其族弟段實爲總管至元元

年都元帥寶合丁專制閩外不善綏輯於是爨蠻舍利畏倡亂滇海衆至三十萬朝命段實與都元帥合兵討之衆解散惟舍利畏遁入巖箐不獲實遣石買誘殺之四年以邊蠻變亂不常議遣重臣往鎮詔封皇子忽哥赤世祖第五子爲雲南王分大理國三十七部爲南北中三路更定名號改善闡萬戶爲中慶路威楚開南萬戶爲威楚路于矢萬戶爲普安路阿棘萬戶爲南路尋改臨安路羅婺萬戶爲北路尋改武定路磨彌羅伽萬戶爲中路尋改曲靖澂江二路併大理上下二萬戶爲大理路以越巂爲建昌路已析建昌南立會川路西南立定昌路後省入德

昌路分金齒國西路爲建甯路升謀統千戶爲鶴慶路師宗彌
勒二千戶爲廣西路察罕章宣慰司爲麗江路更于威遠置元
江路改仁地萬戶曰仁德府升長州爲嵩盟府甯州爲甯海府
永昌州爲永昌府更有木連蒙光謀粘六難蒙兀等路及南甸
縹甸雲龍鎮沅各軍民府及廣南西道宣撫司羅羅斯宣慰司
其餘千戶所並改爲縣署王府文學張立道大理等處勸農官
領屯田事尋授巡行勸農使導昆明池水爲渠得良田萬餘頃
教民飼養蠶桑民俗饒庶地日開闢旣以賽典赤瞻思丁宣撫
雲南益修陂池勤播種購經史建文廟授學田重昏喪講跪拜

禮蠻風不變

按漢書司馬相如入西南彝上人盛覽從學歸以授鄉人滇之文教始開又章帝元和初滇池出神

馬四甘露降白鳥見乃建學立師全滇知有學校不自元始也

遣郎中楊璉招降池西和泥諸

部其地曰潞江曰普坪睽曰申睽曰烏摩坪蓋通典所謂黑爨也渠長阿八思入朝卽其地置柔遠路又于怒謀置茫施路石
睽置鎮康路于賴睽置鎮西路驃睽置平緬路大布茫置麓川
路巴的甸置烏撒路悶畔部置東川路孟都置木邦路建雲南
諸路行省統之繼升蒙憐蒙萊二甸俱爲路先是雲南王忽哥
赤爲寶合丁毒死立道入告變請以其子也先鐵木兒襲爵帝
從之命仍鎮滇十七年以愛魯爲行省參政時烏蠻羅佐山白

水江蠻殺萬戶阿忽以叛引兵討平之尋以納速刺丁瞻思丁長子為行省左丞遣員外郎怯烈詣闕陳利弊帝愛其聰辨拜鎮西緬麓川等路宣撫司達魯花赤明年授段實行省參政令率兵征緬實至金齒疾卒其弟忠襲總管王師破緬朝命雲南王移鎮緬地立邦牙宣慰司于蒲甘城升北勝州為府立金齒木來府二十七年封皇孫甘麻刺為梁王鎮雲南合閩鹽普樂二州為柏興府以爛土為定雲府先是羅甸宣慰司在黔西滇東本苗蠻雜居地統名貴筑古夜郎王所屬靡莫之類漢稱羅甸國宋析置大萬谷落府俗尚鬼故呼羅鬼易曰高宗伐鬼方詩蕩

八章單及鬼方即其處也自至元十七年其主阿察阿里降既而招討經歷劉繼昌招徠程番韋番方番洪番龍番金石番羅番盧番八渠長並授懷遠大將軍兼設八番羅甸宣慰司十九年詔析金竹百餘砦為郡縣置順元路金竹府貴州統之其屬十二曰普安永甯普定新添都雲銅人石阡平月安南舊名尾灑今縣烏撒烏蒙東川及平九溪十八洞蠻並立總管府聽順元路節制初隸湖廣再隸四川至是始隸雲南二十九年改封甘麻刺為晉王命皇曾孫松山出鎮雲南成宗元貞二年立徹里孟愛二軍民府兼置耿凍雲遠二路大德改元以忽辛為雲南右丞

滇東
贍思丁時王府畜馬繁多悉縱之郊敗民稼牧人又宿食民家
次子無宵居忽辛度地置草場構牧所民始得安既請立諸路學校
以蜀士就近充教官蒙陽甸長來附即其地立通西府六年烏
撒羅羅斯叛遣忙古帶討平之第功遷大理金齒等處宣慰司
都元帥升普里部爲普定路武宗至大元年夏烏撒烏蒙地震
三日壞民居二年春梁王松山有疾召還以諸王老的罕襲封
時梁王國善闡而段氏世守大理一恃宗親一恃故物兩不相
下王府諸人多驕恣凌虐段民漸構成隙老的罕至即用羣下
謀舉衆西向大破段光兵光段慶孫段隆子也光既兵敗慮王

襲之令將高蓬握重兵守羅那關梁王招之不從乃以金賂蓬
庖人刺殺之以蓬首來獻梁王秘其謀分戮庖人仁宗延祐二
年封皇子和世球爲周王鎮雲南中書省言雲南土官病故子
姪兄弟承襲無則妻承夫職遠方蠻獍頑獷難制必任土人方
可集事員缺宜從本俗制曰可英宗初立復移周王于漠北命
王禪襲封雲南王泰定帝立改封帖木不花爲梁王鎮雲南時
木來土官奉方物立木朶路孟隆蒲蠻降置順寧府文宗天歷
元年升姚州爲姚安路景東甸爲景東府兼置孟定孟育蘆傳
三路至順改元春諸王秃堅據雲南舉兵討逆爲名遣中慶萬

戶伯忽魯諸路滇池底定將五十載變起倉卒人心危懼理問
官仁通率官軍禦之没于陣旣引兵攻威楚知事董文彥被擒
至不屈遇害尋分兵陷臨安攻石屏鎮將朱寶千戶亨祐悉力
拒守不能拔夏五月烏蒙土官祿余起兵附伯忽殺烏撒宣慰
官於是羅羅斯諸蠻効尤扇動與伯忽應陷重慶路其勢益振
禿堅自立爲雲南王拜伯忽爲丞相阿木爲平章四川行省官
遣兵來援至麗江雪山峽遇羅羅斯軍擊敗之事聞朝廷特設
雲南行樞密院以徹里帖木兒知院事朶馬赤教化爲同知副
使發朶甘思朶思麻及聶昌等軍討之徹里率大兵同鎮西武

靖王搠思班西路由四川進朶馬赤教化從豫王阿剌忒納失
里東路由八番進秋七月羅羅斯土官殺加伯合烏蒙土官阿
刺里州土官阿答兵燒北來棧道據大渡河犯建昌雲南右丞
躍里帖木兒方守建昌拒戰斬首數百級時王師猶未至滇賴
四川省調礪門安撫軍及成都屯兵令萬戶周戡將之直搗羅
羅斯界以控扼西番及諸蠻部更遣萬戶皆定遠引軍同邛部
知州馬伯所部蠻兵令戡等便宜進討撒加伯遣把事曹通結
連西番躍里遣人覘得執通斬之自是西番無與蠻兵犄角者
祿余潛約烏蒙東川諸蠻寇順元路阻東道兵徹里趣四川雲

南兩省兵合力齊進冬十月四川平章塔坐引兵由永甯左丞李羅引兵由青山並會周泥驛殺蠻兵三百餘人祿余衆潰奪其關以通順元諸軍撤加伯復合烏撒阿槍等蠻兵攻建昌躍里追戰于木托山下敗之二年春權仁德府官曲木糾集義旅敗伯忽于馬龍川旣戰于金馬山獲伯忽及其黨誅之餘賊奔潰惟祿余尚據金沙江鎮西豫王兩路合兵與躍里倍道兼進遂奪金沙江與阿禾遇戰敗之阿禾竄走大兵直趨中慶再戰于安甯州擒阿禾卽軍前誅之大兵將抵中慶戰伽橋古壁口躍里左頰中流矢洞耳後拔矢復戰大捷收復省治諸軍皆會

駐城中分兵捕餘寇于嵩盟州擒叛首也不干等并誅諸叛將校磔其屍以殉雲南平是秋都元帥怯烈引兵擊禿堅弟必刺都迷失于靖江海中山山險不易上爲雲梯以登破其柵必刺都迷失舉家赴海死禿堅不知所終順帝至元元年雲南玉案山產小赤犬羣吠遍野占云天狗陸地爲赤犬主其下有大軍覆境又天雨鐵民舍山石皆穿人物值之輒斃至正元年以張瑾爲雲南廉訪使瑾扶弱鋤強申屈旌善奸惡革心常巡行激江釋疑獄五十餘起剏決冗案三百事人咸頌之四年以段功襲蒙化知州繼爲總管段氏自興智後皆効忠於元世爲大理

總管興智弟實以攻石城及仁德府功賜金虎符爲第一代實弟忠隨元帥伐西林破會川通善闡平休林武定緬甸皆有功爲第二代實子慶宿衛東宮尚公主歸授雲南參政爲第三代忠子正爲第四代五代隆六代俊七代義八代光始與梁王構兵光弟功爲第九代其後功子寶爲第十代寶子明爲十一代而元終焉至正二十四年僞夏明玉珍自蜀攻雲南其將萬勝由叙州界首入鄒興由越嶲建昌入勝兵抵雲南梁王孛羅走威楚諸部悉亂勝使人四出招安降者日至遣侍中楊源持表獻捷於蜀表畧曰聖德孔昭誕受維新之命王師所至宜無不

服之邦大軍旣發於三巴踰月遂平乎六詔恭行天罰誅在位之貪殘禮順人情弔斯民之疾苦惟茲南詔隣比西戎藩王挾便宜行事之文專任儉人恣其饕餮守宰無恒心愛民之意肆爲虐政害彼黔黎下詔揚威出師討罪初臨烏撒蠻首納欵以供輸繼次馬隆敵衆望風而奔潰遂由驛路踏入滇池士民冒雨以爭降官吏叩頭而請罪一毫不染萬室皆安深入不毛臣媿偶同於諸葛誕敷文命帝德齊美於有虞玉珍得表自將紅巾三萬人入滇屯金馬山上梁王在威楚徵兵救援段功謀於員外郎楊淵海卜之吉乃進兵至呂閣敗紅巾于關灘斬獲千

計滇南士氣少振王珍收餘眾復戰屯兵古山寺功夜密遣人
火其寺紅巾軍亂死者十八九已追至回蹬關在楚雄大破之
功在陣得王珍母所寄書云爾征南務得之不可輕還軍少糧
乏我當添助淵海效其書易之曰中國兵來急爾當蚤歸募勇
壯者遺之玉珍得書恐遽收兵功追至七星關又勝之玉珍乃
還重慶先是梁王避兵時懼甚欲遁歸上都將卒執不可既聞
大理戰勝王深德功妻以女阿禧主奏授功雲南平章已而忌
功威望用羣小言害之子寶繼父職梁王慮爲後患七攻大理
皆不克大理士官楊寶極意和解王從之奏升寶雲南右丞未

幾蜀兵復侵善闡梁王力不支遣人詣大理奉金印玉書求發
兵退敵寶答書曰殺虎子而還喂其虎母分狙芋而自詐其狙
公假道滅號獻璧吞虞金印玉書不過釣魚之香餌繡閨淑女
自設掩雉之網羅况平章已亡弟兄罄絕今止遺一葵一奴奴
再贅華黎氏葵又可配阿禧如其諾我必借大兵如其不可
待金馬山換作點蒼山昆明池改作西洱池時來也兵卒不出
要之善闡大理俱阻水臨山實爲金湯勝地宋太祖畫大渡河
以外棄茲險要遂成鄭趙楊段三百餘年之僭班史謂皆恃其
險乍臣乍驕范史謂憑深阻峭紆徐岐道宋祁謂喪牛於易患

生無備據險以興恃險以亡固其理也

師範曰昆彌川卽彌渡北有昆彌嶺嶺東爲白崖元狩中彩

雲現此沐西平英改名定西而李節相堯改紅崖安肆更張

均覺可歎考漢武帝封建宵酋仁果爲王其裔孫龍祐那繼

封于蜀漢且賜姓張至張樂進求以烏集之祥遜細奴羅避

之賓居今彌渡東北猶傳上馬臺遺跡凡六百餘年皆國于

彌渡白崖間閣羅鳳庶弟誠節亦曾居之迨元以屯達營明

以賜黔國而古事茫然矣有志者試一討尋之○九城係異

牟尋築鳳伽異未嗣位戒三所錄非是

肇域志

粵稽五典已見三苗及乎夏后殷周而降或稱萬國來朝而南方乃有百國是爲百濮善闡國滇也昆彌國大理也昞町國臨安也牂牁國烏蒙也其他九十有餘多不可考汲冢書獻令曰西南產里百濮以象齒短狗爲獻產里卽今車里周公作指南車以道之歸者是也春秋時叔熊逃難於濮而楚蚡冒始啟濮戰國仍屬楚襄王使將軍莊躋略巴黔以西以兵威定之會秦擊楚道塞歸報不能得因以其衆王滇變服從其俗長之滇有楚俗之始也秦使常頰略五尺道置吏漢元狩中彩雲見南中

滇東
遣使迹之雲南之名始此滇王嘗羌對漢使語不遜武帝惡之
時白崖有天竺白飯王之後名仁果者稱白王爲衆所戴天子
冊爲滇王仍治白崖躋世乃絕白人之名始此元封中司馬相
如入西夷土人盛覽從相如學歸授鄉人滇之文教始此是年
郭昌衛廣平其未服滇王降請置吏入朝以爲益州郡賜玉印
益州之名始此建武中牒榆諸羌叛劉尚連破之元和中滇池
有神馬甘露白鳥之祥乃建學立師滇有學校始此蜀漢建興
改益州郡爲建甯又分建甯置雲南郡卽今雲南縣地雍闓附
吳孟獲誘煽諸夷武侯斬雍闓服孟獲四郡皆平乃收用豪傑

時仁果十五世孫龍祐那者能撫其民號大白子國侯仍以其
地封之晉宋齊梁陳隋皆以守令治其人酋長世其官唐貞觀
冊建甯白國長張樂進求時哀牢夷細農邏耕於蒙之巍山有
祥異所居成聚樂進求思遜國農邏爲奇王自是蒙族分立爲
六詔六詔之名始此唐置姚州南詔賂王昱合六詔爲一冊爲
雲南王南詔之名始此天寶之間南詔殺張虔陀取夷州鮮于
仲通擊之敗績南詔北結吐番以自固復爲吐番所苦請內附
仍封之以韋皋爲安撫使皋以南詔兵破吐番取鐵橋十六城
俘其五王南詔獻地圖土貢賜金印吐番不復爲雲南患始此

宋王全斌既平蜀以圖獻太祖以玉斧畫大渡以西曰此外非
吾有雲南幾為絕域元世祖由麗江入大理定善闡為中慶路
前明置雲南布政司聲教之盛始此上下數千載興衰之迹有
如傳舍夫亂不亟則治不生孟子辭楊墨而闢之曰一治一亂
然中國之治亂也由堯舜至于戰國中間聖聖賢賢猶迭興未
乏絕而滇之治亂則由戰國至於今也天將使此土化培塿為
高陵化荆棘為松柏化雞犬為鹿鶴化濁惡為清涼非有聖人
不能故挈而畀之至是正朔始有定奉歷年二百六十以來如
一日雖有小警旋為大定盛矣

詔史補

昉町王者史不著其世大抵皆楚之後也楚出自祝融以昭顯
天地之光明以生柔嘉材其後為八姓多顯於唐虞夏商至周
而芋姓始大芋姓者出於陸終氏之幼子季連季連之後或在
中國或在蠻夷不能紀其世次文王時而鬻熊為周之師子孫
以為姓其曾孫熊繹當成王時封於楚蠻則今歸州之丹陽故
城也傳至熊渠豪勇甚以石為虎射之没羽蠻夷畏之遂從蜀
中下江漢伐庸今施南伐揚粵今兩廣至於鄂今武昌乃去丹陽出都
於句亶即今江陵也能繹自以蠻夷不與中國號諡乃立長子

康為句亶王仲子紅為鄂王少子執疵為越章王蓋當周夷王時王室衰微不能討則是楚之先固起自黔蜀間矣康前熊渠死繼渠者當以摯紅是為熊摯摯有惡疾楚人廢之乃立其弟熊延摯因自棄於夔為楚附庸即故丹陽也其子孫有功王命以為夔子其後世猶怨熊延之奪其楚也不祀祝融與鬻熊楚成王使人讓之夔子曰我先王熊摯有疾鬼神弗赦自竄於夔吾是以失楚何祀為楚使子玉子西滅夔事在春秋時其熊延之立當周穆王間傳子熊勇勇卒以弟熊嚴繼上距鬻熊已十四世熊嚴四子伯霜仲雪叔堪季徇熊霜之立當周宣王元年

至六年而能霜卒熊雪又死熊堪違難於濮國語作叔熊遂變服從

蠻俗而君之熊伯徇專楚違氏將起熊堪歸楚又有禍難不能立遂終於蠻史伯所謂蠻芋蠻矣者是也是則春秋之時川蜀之蠻皆熊摯之後滇濮之蠻皆熊堪之後總為熊繹子孫也戰國時莊躄開滇楚之公族多從行既開滇而秦滅楚之黔中巫郡莊躄不得歸因以其眾王滇亦變服從俗以君之如熊堪之所為故今蠻蠻咸自以為楚令尹子文之後而太史公亦稱楚之先有天祿在周為文王師封楚及周之衰地稱五千里秦滅諸侯唯楚苗裔尚有滇王漢誅西南夷國多滅矣唯滇為寵然

不獨滇也滇蓋莊躋之後由躋以前熊摯之後散於川黔熊堪
之後散於百濮皆爲楚後傳所謂滇之東北勞深靡莫同姓相
仗者大抵卽熊摯之後川黔之蠻而响町夜郎皆其族種也秦
漢之交棄南中而關蜀故徼及唐蒙使粵乃知粵西北有牂牁
江由夜郎出番禺城下夜郎臨牂牁江江廣百餘步足以行船
至是唐蒙乃從巴之乍關入應在今重慶見夜郎侯且同約爲置吏
使其子爲令聽約還報乃以爲犍爲郡發巴蜀卒治道自棘道
直指牂牁江數歲道不通從公孫宏言且罷之元狩初又因張
騫言使王然于柏始昌呂越人等求身毒國至滇滇王與漢使

言漢孰與我大及夜郎侯亦然各自以一州王不知漢廣大使
者還因盛言滇大國足事親附天子注意焉及至南粵反上使
馳義侯因犍爲發南夷兵且蘭君恐遠行勞國虜其老弱乃與
其衆反殺使者及犍爲太守漢乃發巴蜀罪人當擊南粵者八
校尉擊之會越已破漢八校尉不下中郎將郭昌衛廣引兵還
行誅隔滇道者且蘭斬首數萬遂平南夷爲牂牁郡郡統縣十
七而响町以故侯國與夜郎同屬焉是時响町猶夜郎仍侯爵
也至漢滅南粵還誅反者夜郎侯恐遂入朝上嘉其先來歸以
爲夜郎王南粵破後遂誅且蘭邛君並殺茆侯於是冉駝皆震

恐請臣置吏以邛都爲粵雋郡荏都爲沈黎郡冉驪爲文山郡
廣漢西白馬爲武都郡使王然于以粵破及誅南夷兵威風諭
滇王入朝滇王者其衆數萬人其旁東北勞深靡莫皆同姓相
仗未肯聽勞莫數侵犯使者吏卒元封二年天子發巴蜀兵擊
滅勞深靡莫以兵臨滇滇王始首善以故弗誅滇王離西夷滇
舉國降請置吏入朝於是益州郡賜滇王王印復長其民
西南夷君長以百數獨夜郎滇受王印滇小邑也最寵焉而叻
町猶未王也後二十三年至孝昭始元之初益州廉頭姑繒民
反殺長吏牂牁談指同並等二十四邑凡三萬餘人皆反遣水

衡都尉發蜀郡犍爲犍命萬餘人擊牂牁大破之後三歲姑繒
葉榆復反遣水衡都尉呂辟胡將郡兵擊之辟胡不進蠻夷遂
殺益州太守乘勝與辟胡戰士戰及溺死者四千餘人明年叻
町侯亡波效誠節於中朝起兵討賊遂與朝廷所遣軍正王平
大鴻臚田廣明等並進大破益州斬首捕虜五萬餘級獲畜產
十餘萬天子嘉之以亡波功第一詔曰叻町侯亡波率其邑君
長人民擊反者斬首捕虜有功其立亡波爲叻町王大鴻臚廣
明賜爵關內侯食邑三百戶則是亡波之功在廣明上故詔首
先亡波而次廣明也夫叻町侯國於牂牁郡十七縣中居其末

其視滇之小邑尤小矣而以有功爲天子詔諭所嘉予王爵視滇夜郎以恩寵得者尤光榮亡波之沒史不著至成帝時而爲畋町王禹當卽亡波之子也河平中禹與夜郎王興漏卧侯俞更舉兵相攻然其直在禹故牂牁太守請發兵誅興等議者以爲道遠不可擊迺遣大中大夫蜀郡張匡持節和解興等不從命刻木象漢吏立道旁射之杜欽說大將軍王鳳曰大中大夫匡使和解蠻夷王侯王侯受詔已復相攻輕易漢使不憚國威其效可見恐議者選更復守和解太守察動靜有變迺以聞如此則復曠一時王侯得收獵其衆申固其謀黨助衆多各不勝

忿必相殄滅自知罪成狂犯守尉遠臧温暑毒草之地雖有孫吳將賁育士若入水火往必焦沒知勇亡所施屯田守之費不可勝量宜因其罪惡未成未疑漢家加誅陰敕旁郡守尉練士馬大司農豫調穀積粟害處選任賢明太守往以秋涼時入誅其王侯尤不軌者卽以爲不毛之地亡用之民聖王不以勞中國宜罷郡放棄其民絕其王侯勿復通如以先帝所立累世之功不可墮壞亦宜因其萌芽早斷絕之及已成形然後戰師則萬姓被害大將軍鳳於是薦金城司馬陳立爲牂牁太守立者臨邛人前爲連然長不韋令蠻夷畏之及至牂牁諭告夜郎王

興興不從命立請誅之未報乃從吏數十人出行縣至興國且
同亭召興興將數千人往至亭從邑君數十人入見立立數責
因斷頭邑君曰將軍誅亡狀爲民除害願出曉士衆以興頭示
之皆釋兵降昫町王禹漏卧侯俞震恐入粟千斛牛羊勞吏士
立還歸郡是則禹之沮威從命猶不失亡波之風也興妻父翁
指與興子邪務收餘兵迫脅旁二十邑反至冬立奏募諸夷與
都尉長史分將攻翁指等翁指據險爲壘立使奇兵絕其饗道
縱反間以誘其衆都尉萬年曰兵久不決費不可共引兵獨進
敗走趨營立怒叱戲下令格之都尉復還戰立引兵救之時天

大旱立攻絕其水道蠻夷共斬翁指持首出降時禹已歸命不
從其迫脅想亦在所募分將中故終不失王爵而都尉萬年卽
所謂南部都尉治進桑者也進桑有關後改進乘伏波謂出進
桑王國至賁古豈其君亦與亡波有功同賜王爵耶繼禹後
者爲王邯當王莽篡位時改漢制旣貶匈奴高句驪召怨矣是
時夜郎王以反誅爵絕滇王已沒不聞南中惟昫町王尚王爵
莽乃貶其王爲侯邯以無故乍貶怨之甚莽又改太守爲大尹
以周欽爲牂牁大尹周欽知邯之怨也恐爲亂乃詐殺邯邯弟
承集衆攻欽殺之自爲王州郡擊之不能服於是三邊蠻夷愁

漢書
莽之擾盡兵起攻棟蠶若豆等殺益州大尹程隆莽遣平蠻將
軍馮茂發巴蜀犍爲吏士賦歛取足於民以擊益州出入三年
疫死者什七巴蜀騷動莽徵茂還誅之更遣甯始將軍廉丹與
庸部牧史熊大發天水隴西騎士廣漢巴蜀犍爲吏民十萬人
轉輸合二十萬人擊之始至頗斬首數千其後軍糧前後不相
及士卒饑疫三餘歲死者數萬而粵雋蠻夷任貴亦殺太守枚
根自立爲邛穀王是時反者牂牁益州粵雋三郡漢誅莽時公
孫述起於蜀故中朝隔絕而牂牁大姓則有龍傳尹董氏與功
曹謝暹保境爲漢乃遣使從番禺江奉貢光武嘉之並加褒賞

而益州程隆雖死繼之以文齊降集羣夫甚得其和亦距公孫
述爲漢間道遣使自聞是二郡之誠節旣已自通而昫町王承
怨莽之貶其兄爵且詐殺之是以報仇而起今聞漢興則歸之
恐後是大姓功曹之保境奉貢皆承述之也在貴旣自立爲王
且降於公孫述述敗光武仍以貴爲邛穀王領越雋太守事况
始終一節如承等有不予其舊封且領牂牁乎史家詳畧互見
前書云莽敗漢興誅貴復舊號誅貴蓋在建武十九年之後復
舊號謂復昫町之王

昫町王世家

段氏本出武威猶鄭氏本出滎陽鄭回以西瀘令陷南詔爲清

真蔡

七之二

典故

三

平官其裔鄭買嗣遂篡蒙氏段儉魏以大軍將臣蒙氏其後段
思平討叛亂而看之其得國比鄭氏爲正傳國至四百餘年不
聞內犯邊境永甯可謂能爲中國保塞者矣蒙氏世爲唐臣而
叛附吐蕃北陷成都東陷安南迄於唐亡終被其患而段興當
宋原非宋臣宋北患遼金西患夏安南大理均與宋隣安南
尙聞內侵宋亦喪師海上獨大理分疆畫界從不踰垣且函送
儂元遣使朝貢求諸經籍歌詠華風使要荒之服盡得賢君長
如此中夏復何憂乎昔歐公於五季諸國皆著爲世家唐書於
南詔蒙氏亦著爲列傳夫五季諸國割據土地甚狹年數甚促

未有如段氏之地廣世長至四百餘年之盛者也蒙南詔本出
哀牢餘風未殄而大理則以武威望族不墜華風其君長多賢
每以避位傳高揖之美以視五季之篡奪相尋宋金之互相吞
噬奚翅霄壤乎故著其世家使後來有所流傳云段思平者其
先武威姑臧人漢太尉段熲之後本出鄭共叔段遂以爲氏西
漢段會宗以天水上邽人爲西域都護熲蓋其從曾孫以平羗
功封新豐侯官至太尉二人前後書俱有傳段氏世居西塞子
孫散處或仕中國或入蠻陬段榮段韶顯於高齊段志元爲唐
佐命其後段文昌遂相穆宗皆武威姑臧之段也姑臧後爲姑

思臧且譌為西藏西藏今與雲南接壤雲南段氏由姑臧而來

故段氏世為西邊郡望思平之先有段儉魏者為蒙氏清平官

賜名忠國按鄭回神命大軍將段忠國再和諸興其與鳳伽異破斬王天運乃大軍將段全葛非忠國也又有大軍

將段附六傳而至思平則當是中國五季時也段氏仕南詔世

為大軍將南詔立東川通海節度使以段氏主東方鄭買嗣纂

南詔盡滅蒙氏改號大長和思平因仕鄭氏歷鄭曼鄭隆置而

東川節度使楊干貞乘鄭曼之暴死子孤弱進兵入弒隆置隆

置之立甫十日被弒乃立其侍中趙善政改號天興甫十月干

貞逐善政而自立改號大義甯而思思平段氏主東方久思平

又善撫納諸蠻盡歸心於思平思平怨干貞之篡鄭氏義不仕

干貞乃去通海隱姓名為獵者以一犬自隨至品甸投宿主人

主人有一戟以生牛革四疊裹之入夜忽有風吹戟遂洞貫牛

革而出思平驚曰是何銘利豈神戟耶及明以犬易戟又得神

驥於葉鏡湖思平既得戟與馬以神異自喜時干貞之篡已八

年矣貪虐無道民不聊生思平行遁久涉辛苦終不聞見楊氏

政亂有討干貞之志會野行乏食腹饑甚忽見巨桃摘而食之

甘乃剖其核而仁亦巨其膚有文曰青昔思平析其文曰青者

十二月也昔者二十一日也今楊氏政亂吾當以是日月舉義

乎乃潛往東方乞師於黑蠻三十七部以討于貞三十七部皆助之師至洱河而于貞尚未知之也是夕思平夢人斬其首又夢玉瓶耳缺且鏡破懼不敢進兵其軍師董迦羅曰進也三夢皆吉兆也公爲大夫夫而去首爲天天子兆也瓶本以玉玉而去耳爲王王之兆也鏡中有影如人有敵鏡破則無影無影則無敵思平乃決明旦引兵欲渡莫知所從見江尾一婦衣白披纓而浣者指曰人從我江尾馬從三沙矣爾國名大理從之師遂濟于貞不虞師之至也倉皇出走國人盡歸思平思平遂自立遣人於江許覓白衣婦不獲掘地中得白石大士一座遂改

國號曰大理時晉之天福元年也于貞走死於外自是楊氏滅而段氏興矣思平立八年改元文德於晉之開運三年卒國人以其爲大理開國之祖故稱太祖子思英繼之思平之弟思良廢思英而自立改元至治立五年卒謚文武子思聰繼之時周之廣順初也自唐末至周四十餘年中國豆剖瓜分各盜名字改元稱謚者紛紛思聰立十年而宋興海宇漸將混一乾德三年王全斌平蜀欲因兵威取滇獻圖於上太祖鑒唐之禍以玉斧畫大渡河曰此外非吾有也由是段氏得久安於雲南不致如孟氏之滅絕而中國竟以絕域視之不知有所謂大理國矣

思聰在位十七年改元三曰明元曰廣德曰聖德宋之開寶二
年卒謚廣慈子素順繼之改元明正在位十六年宋之雍熙二
年卒謚應道子素英繼立素英在位二十四年改元五曰廣明
曰明應曰明聖曰明德曰明治宋之祥符二年卒子素廉繼立
在位十四年改元明啟宋之乾興元年卒謚敬明素廉子前死
其孫素貞尚幼國人乃立素隆素隆素英之孫也素隆既立改
元明通自念本素貞國因其弱國人扳已不得已代之閱四年
而素貞稍長素隆乃避於僧寺不復歸以國予素貞素貞既立
改元正治國人高素隆之讓國於其卒也謚之曰秉義素貞在

位十四年而卒謚聖德時宋慶曆之初也素隆傳其孫素興素

興好遊狎廣營宮室於春登堤上多種黃花名繞道金稜稜去聲

謂田稜云雲津橋上多種白花名縈城銀稜每春月必挾妓載酒

自玉案三泉湖爲九曲流觴男女列坐鬪草簪花以爲樂時有

一花遇歌則開遇舞則動素興愛之命美人以花盤髻爲飾因

名素興花一名素馨花殆花妖也花似茉莉而繁木本蔓延今譌爲木香花素興立

三年改元二曰聖明日天明國人因其失道乃廢素興而立段

思廉思廉乃智恩子而智恩則段思平之曾孫其繼素興則宋

之慶曆四年也自思平之起當周廣順至是百有九年而宋之

與亦八十五年矣宋與大理兩不相知聞宋之皇祐五年狄青破儂智高智高奔大理乃募死士使大理求智高重譯而至死士者雅州蕃牙郎號任判官者也聲言智高將借大理兵以入蜀蜀大恐會張安道帥蜀偵知任判官所為召至成都將斬之任請以家屬繫雅州獄身自入蕃窮問智高指實於是得小雲南書言智高至南詔復謀為亂為南詔所殺安道以聞其實智高自病死思廉因函其首歸於宋托言誅之也至是段氏始聞於中國矣思廉在位三十一年改元四曰保安曰大安曰正安曰正德宋之熙甯八年卒諡世宗子段廉義立明年遣使貢

於宋廉義在位六年改元二曰上德曰廣安宋之二元豐三年其臣楊義貞弑廉義於是善闡侯高智昇遣子昇泰討楊義貞誅之立段廉義從子壽輝改元上明明年而高昇泰廢壽輝立思廉之孫正明正明在位十三年改元三曰保立曰建安曰天祐宋之紹聖元年正明以位遜於高昇泰避位為僧國人遂立昇泰而段氏中絕昇泰據大理國號大中改元上治居一年將死屬子泰明日段氏不振國人推我不得已從之今其子已長可還其故物爾後人勿效尤也於是紹聖三年昇泰卒泰明乃立段正明之弟正純號後理國段氏復興高氏相之政令皆出其

門國人稱為高國主宋之崇甯二年段正純遣高泰連入朝求
經籍得六十九家正純在位十二年改元四曰天授曰明開曰
天政曰文安大觀三年傳位於其子正嚴避居僧寺卒諡中宗
時政和六年也正嚴宋史作和譽即位遣使入貢七年詔以正嚴為
雲南節度使加金紫光祿大夫檢校司空上柱國冊封大理國
王自是大理始受中國封爵然帝制於其國自若也越十一年
而宋高宗南渡紹興六年廣西經略安撫使奏大理貢象馬詔
護送行在所優禮答之十七年段正嚴傳位於子正興而已遁
居僧寺正嚴在位三十九年改元五曰日新曰文治曰嘉永曰

保人曰廣運沒諡憲宗是時宋高宗亦禪位孝宗正興繼立改
元五曰永貞曰大寶曰龍興曰盛明曰建德在位二十五年傳
位於子智興而已遁居僧寺時宋之乾道八年也沒諡定宗宋
之高宗孝宗兩世內禪而段正嚴正興亦然蓋中外之風氣約
略相同如此智興在位三十九年改元五曰利貞曰盛德曰嘉
會曰元貞曰安定於宋之慶元六年卒諡景宗子智廉繼立改
元鳳曆在位一年卒亦宋之慶元六年也諡亨天傳子智祥智
祥在位三十四年改元三曰天開曰天補曰仁壽宋之嘉熙二
年讓國於其弟祥興已遁居僧寺卒諡神宗祥興既立越七年

而高禾戰死宋遣使弔祭是時宋與大理俱被元之侵逼而國日以微祥興在位十二年改元道隆宋之純祐十一年祥興卒諡孝宗子興智立十二年爲元憲宗之二年命太弟忽必烈征雲南以兀良合台總督軍事三年九月次忒刺分三道以進兀良合台率西道兵由曼當路諸王抄合也只烈率東道兵由白蠻太弟由中道乙巳至滿陀城留輜重十月丙午過大渡河又經行山谷二千餘里至金沙江乘革囊及楫以渡摩沙蠻主迎降十一月辛卯遣三使入大理招段興智皆被殺丁酉師至白蠻打郭寨其主將出降其姪堅壁拒守攻拔殺之不及其民庚

子次三旬辛丑白蠻送款十二月丙辰兵薄大理城國王段興智微弱國事皆決於相高泰祥屢戰不勝時東路兵亦至皆登點蒼山視城中城中大懼泰祥徵兵三十七部有來援者皆爲元兵阻敗始與興智謀出避外郡圖興復興智奔善闡泰祥奔統矢命大將也古及拔突兒追之以大理拒命將屠其城用詞臣姚樞言乃裂帛爲旗書止殺之令分號於衆兵入大理人民安堵己未西道兵亦至命姚樞搜訪圖籍辛西南出龍尾城次趙臉癸亥獲高泰祥於姚州欲官之嫚罵不受於五華樓下死之臨死曰段運不回天使其然爲臣死國職也吾事畢矣時烈

日當午雷電大作風沙愁慘觀者萬人莫不灑泣太弟曰忠臣也命收葬之而用其子高瓊高長壽等明年太弟班師大將兀良合台拔善闡獲興智以獻赦之封爲摩差管領八方仍守其地世世爲總管段氏自思平至興智帝制雲南凡二十二主歷年三百十五自古割據之雄未有歷年如此之久者迨至於元又中分雲南而有之而惟信苴日爲最著段氏世家按段氏先宋而興雖亡亦先宋而以平章胙土猶百餘年視宋爲優而其間事蹟亦頗與宋相類段自思平開國一傳而其弟思良奪之猶太宗之奪太祖也思良傳思聰素順素英素廉素

隆素貞素興凡七世素興以無道廢自後漢丁未至慶曆甲申共九十八年國人仍立思平之元孫段思廉不如高宗南渡仍立太祖之裔孝宗乎素興在位日淺但嬉遊無大失德國人廢之而立思廉想見思良篡奪已久國人終有所不服雖歷百年終擁戴思平而立其裔也其間傳弟傳子有數君亦猶宋之內禪而避居僧寺銷聲匿跡不致有不朝上皇之譏其臣高氏平逆亂旋代立仍歸之爾無所猜世與段終始較宋之張邦昌劉豫奚翅天淵有國三百年不聞有軍旅之事其臣亦無所著聞始漢之文景紀無可書之事唐之房杜傳無可載之功矣嗚呼

段氏治雲南至使中國之人幾不聞有大理豈非老氏所云至治之世鄰國相望雞犬之聲相聞民至老死不相往來者乎而宋何能及歟
師範曰以段視蒙陋矣時宋方不競能保境自守別無他圖亦有可取者得位之初卽與高氏相倚權出其門已餘代高昇泰旣討楊義貞爲國人所推乃囑其子勿得效尤仍歸段氏其裔泰祥卒以死節著蒙段之間予得四偉人一則張樂進求之推賢讓位一則蒙異牟尋之棄番歸唐其二卽昇泰與泰祥也

鴻猷錄

洪武五年壬子五月上以天下一統惟雲南未服乃遣翰林侍制王禕使雲南招諭故元梁王把匝剌瓦爾令入朝禕至雲南見梁王君臣諭以皇上聰明神聖若亟奉版圖歸職方可保高爵厚祿聲名俱全奈何欲以一隅之地與中國抗不聽館于別室數日見之又引陳友諒張士誠陳友定明玉珍擴廓帖木兒等敗亡及元主北走反覆諭之梁王君臣相顧駭愕已有降意未決改館禕餼廩有加十二月故元遺孽竄立於沙漠者遣使脫脫自西番入雲南徵梁王糧餉欲連兵以拒我師脫脫知有

中國使臣在以危言脇梁王令殺禘梁王狐疑持兩端令其參政達里麻以禘匿民間脫脫知之謂梁王曰國家顛覆不能救反欲附他人邪欲躍馬去梁王不得已出禘見之脫脫欲以威屈禘罵曰天訖汝元命我朝實代之燭火餘燼欲與日月爭光乎我豈能爲汝屈有死而已或解之曰兩國兵爭不殺來使王公材噐天下無雙者宜全之脫脫曰今雖孔子在義不可留梁王不能救禘顧謂曰汝朝殺我大兵夕至遂被殺達里麻爲具衣冠歛而焚之十四年辛酉九月上以雲南未附又執我信使納我逋逃乃以傅友德爲征南將軍沐英藍玉爲左右副將軍

陳桓胡海費聚等皆屬焉率師三十萬往征之臨行上諭之曰雲南僻在遐荒行師之際當知其山川險易以規進取朕博覽輿圖咨詢有衆得其阨塞取之之計當自永甯先遣驍將別出一軍向烏撒大軍繼自辰沅以入普定分據要害乃進兵曲靖曲靖雲南之襟喉彼必分力於此以拒我師審察形勢出奇取勝正在於此旣下曲靖三將軍令一人提勁兵趨烏撒應援永甯之師大軍直擣雲南彼此牽制彼疲於奔命破之必矣雲南旣克分兵趨大理先聲旣振勢將瓦解其餘部落可遣人招諭不必皆煩兵也師行上親出餞於龍江諸將各率所部就道傳

友德等師至湖廣命都督郭英陳桓胡海率兵五萬由永甯趨烏撒路多險阻諸將欲深入郭英曰破敵貴先聲攻取必自近始舍近趨遠非策之上也遂以兵攻赤水河路去河二十里爲營時久雨水暴漲英曰賊恃水漲不意吾濟下令諸軍斬木造筏夜半濟河北曉敵始覺遂大驚潰生擒阿容諸蠻由是雲南諸郡邑皆震十二月友德大軍趨貴州攻普定擒安鎖羅鬼蠻狃狃悉降又攻普安下之留兵戍守遂會沐英等師進取曲靖梁王遣其司徒平章達里麻率精兵十萬來拒沐英曰彼謂我師疲於深入未有虞心乘此乃可破也遂兼程進會大霧四塞

衝霧行抵白石江霧霽兩軍相望達里麻大驚以爲神兵飛至也乃擁衆逼水陣友德欲濟英曰未可別遣一軍沂上流潛渡出其陣後鳴銅角樹幟山谷中爲疑兵達里麻驚急徹兵還禦陣亂英乃趣師濟江以猛而善泗者先之長刀蒙盾斫其軍敵卻數里而後陣師旣濟友德麾兵大進矢石交發呼聲動天地戰數十合指揮趙旺馬蹶死于陣英等縱鐵騎衝其中堅連斬數十人敵大敗生擒達里麻俘甲士二萬馬萬匹橫屍十餘里友德縱降者使各歸業夷人見俘者得歸大喜軍聲益振遂克曲靖留兵鎮之乘勝克楊林友德自帥師南擊烏撒沐英攻六

梁州擒帖木兒王子兄弟又擊越州龍海諸寨轉向永甯遂與藍玉趨雲南梁王聞達里麻兵敗被擒大懼走滇池島中先縊其妃自飲藥不死投水死之英進至板橋故元右丞觀音保舉城降父老出迎王師英整兵入城秋毫無犯市不易肆收梁王金印并宮府符信圖籍撫定其民自九月朔出師迄下雲南僅百日英乃分兵趨烏撒會友德大軍時故元右丞實卜復聚兵赤水河及聞友德循格孤山南至沐英又自雲南來會實卜遂遁去友德令諸軍城烏撒版築方具實卜引諸蠻復大集友德據高岡嚴陣待之諸將欲戰友德不許士卒奮勵友德度其可

用乃下令曰我師深入有進無退彼旣遁而復來心必不一併力與戰破之必矣若使彼據險自固未易克也遂進戰師旣陣芒部土酋率衆來援實卜合勢迎戰我師趨之戰數十合酋長多中槊墜馬死者我師益奮蠻衆大潰斬首三千級實卜復遁遂城烏撒得七星關以通畢節又進至可渡河於是東川芒部諸蠻皆降英等亦降各路守將張麟等得金銀銅印七十四馬數萬匹上遣使如友德軍以勅獎諭之曰內使羅信至知將軍調度有方節制嚴整普定諸蠻俱已奔竄未知此時何如烏撒烏蒙果降否前恐蠻地無糧令將軍分各軍回衛今知資糧於

敵軍可不必回也繼又勅曰比聞雲南既克然區畫布置尙煩計慮前已置貴州都指揮使司然去雲南尙遠今必置都司於雲南以統諸軍既有土有民又必置布政使司及府州縣治之其烏撒烏蒙東昌芒部建昌之地更宜約束酋長留兵守禦禁民勿挾兵刃至如靄翠輩不盡服之雖有雲南亦難守也友德遂承制置布政司及府州縣宣慰司長官司等籍其戶得七萬四千有奇十五年壬戌正月沐英等徇建昌澂江臨安尋甸楚雄皆下之降故元平章閻乃馬等二月英引兵攻大理大理城倚點蒼山西洱海爲固乃南詔皮羅閣所築者龍首龍尾二關

最險要土酋段世以五萬衆扼下關英自將攻之不下乃令藍玉王弼率兵由洱水東趨上關英兵綴下關爲犄角勢又以一軍令胡海由石門間道繞出點蒼山後攀木緣崖上立旗幟遲明攻下關兵見之踴躍謹呼蠻衆驚亂英策馬渡河水及馬腹遂斬關入山上軍亦下擊之諸蠻腹背受敵遂克大理擒段世脇從者悉縱遣之蠻夷感悅傅友德分兵取鶴慶略麗江破石門下金齒於是車里摩些和泥平緬皆降雲南平二月傅友德遣使以故元梁王家屬威順王之子伯伯等三千一百一十八人俱送京師并奏云雲南自元世祖至今百有餘年屢經兵燹

圖籍不存兵數無從稽考但當以今要害量宜設衛戍守耳其賦稅則故元司徒平章達里麻等言元末田土多爲豪右隱占今准元舊制歲用不足已督布政司覈諸衛所查有見糧一百八萬二千有奇以給軍食恐有不足宜以今年所徵糧并故官院寺入官田與土官供輸鹽商中納戍兵屯田所入并給之上悉可其奏未幾置雲南鹽課司以益軍費夏四月烏撒及東川芒部諸蠻復叛上勅傅友德曰諸蠻伺官軍散處大勢不合故有此變今宜屯聚大軍蕩除諸部蠻寇戮其酋長使之畏威方可屯兵守禦詔至友德乃遣人會沐英進擊烏撒諸蠻大破之

斬首三萬餘級蠻復寇普定城急友德遣顧成擊破之五月上勅吳復費聚曰符到可報三將軍凡烏撒烏蒙東川芒部盤江關索諸蠻悉蕩除之爾安陸平涼二侯會兵攻擊寨柵安陸總兵平涼副之若通關索嶺慎勿與蠻人戰於嶺上當分兵直擣巢穴以掩襲之使彼各救其家不能糾合以抗吾師其傍諸土寨卽未能下侯三將軍師至合力攻之必克也勅至聚與復等遂進兵攻關索嶺及阿咱等諸蠻寨悉下之斬首數百獲馬牛無算遠近大震餘黨悉降蠻地始定友德乃議設大渡河守禦所以千戶吳忠領兵守之又以烏撒烏蒙芒部三府地近四川

滇繫
奏改隸四川布政司從之上復降勅獎諭友德等詞極褒美云
欲勞以尊酒遠不能致特以朕心勞之七月友德英等分兵攻
未服諸蠻以指揮馮誠守雲南諸蠻見大軍出謂城守虛弱遂
相煽爲叛土官楊苴最桀黠結其衆曰總兵領大軍回矣雲南
城可圖也各糾衆至二十萬苴會衆屯于城西北河陽亦以兵
會於城東南合三十六營兵攻城時城中食少士卒多病倉猝
聞寇至頗以爲憂誠與指揮謝熊以孤軍拒守修樓櫓備戰具
多置強弓弩于城上賊至輒射之賊衆多應弦而斃伺賊少怠
出勁兵擊之賊不能攻遂圍城爲久困計時沐英駐師馬撒聞

之選精騎萬餘來援至曲靖先遣人潛入城報知爲賊所得詰
之曰總兵官領大軍三十萬至矣賊衆駭愕拔營夜遁去至安
甯羅次邵甸晉甯大祺江川等處據險樹柵欲圖再舉英至與
馮誠等合兵剿捕之斬首六萬餘級生擒四千人諸部復定馮
誠國用子也十六年癸亥二月友德又遣使以故元右丞觀音
保等及土酋段世等送至京師上以雲南平遣耿炳文往諭友
德班師留沐英鎮雲南且曰遲速之機宜自審度友德奉命班
師英辨方物定貢額視民數均力役雲南民大賴以安其麓川
緬甸車里八百媳婦等國皆遣使內附上復置大理指揮使司

命周能爲指揮統兵守之

師範曰有明時邊外土司二十三邊內者一百有五顧自阿
資至沙定洲無經四十年不亂我 朝旣除吳逆裁革遷移
已過其半高文良平魯奎定窩尼鄂文端莫東昭開元鎮聲
教所訖始媿中州夫以傅沐之威非不能盡蠻荒而郡縣之
乃明祖雄猜性成以蒙段舊疆恐資跋扈十六年鎮以黔公
而十九年二十二年穎公前後兩出二十四年黔公入朝其
明年卽以醜酒賜死滇省猶有盡忠樓遺址而史多諱詞然
繹昭靖之謚似非無因第黔公素恭謹惟聞其好馬除進獻
外尚二萬匹飲秣剪刷日與相對豈有以此讒之者歟二十
七年穎公復以株連被罪于是宿將盡矣闖獻之禍殺朱氏
子孫無鼻或亦諸功臣之冤有以致之也

道學

道學

道學

道學



